

mit einem Bantaler Rohr auch guten Pi-  
 stolen wol versehen / vnd ritt heimlich den  
 Kauf Leuten nach / als nun solche mit der  
 Gutschen auff ein sehr weite Heyd komen /  
 sprengt der Reutter als bald hinzu / hieß den  
 Gutscher still halten / oder / er wolt ihn von  
 der Gutschen schiessen / (dann er sein Rohr  
 mit aufgezoognem Hanen in Händen hat /)  
 der Gutscher hielt still / da nam der Reutter  
 seinen Mantel / warff ihn neben diese Gut-  
 schen zersprentet auff den Boden / befahl  
 den Kauffleuten 300. Reichstaler auff sein  
 außgesprenten Mantel zu werffen / vnd dan  
 fürzufahren / wa aber sie sich des wengerten  
 wolt er einen nach dem andern niderschieß-  
 sen : Was wollten die guten Herrn thun ?  
 Diser hatt ein guts Pferd / von welchem er  
 sich nit herab ließ / war wol beschossen / könd  
 sich reteriren / schiessen / wider laden / vnd in  
 summa seins Gefallens den Vortheil haben /  
 sie warffen ihm deswegen die 300. Reichs-  
 thaler auff den Mantel / vnd fuhren davon.  
 Was geschicht / der Reutter steigt ab / nimpt  
 das Geld vnd den Mantel / sitz auff / sprengt  
 ihnen